

Nov cumpendi per revitalisar ils centers da vitgs e citads

(anr) L'Associaziun da vischnancas svizras e l'Uniun da mastergnanza da la Svizra han edì da cuminanza in cumpendi, co revitalisar ils centers en ils vitgs e las citads. Per las duas associaziuns è la realisaziun d'in svilup spzial persistent in

impurtant postulat politic. Ord lur vista sto la funcziun dals centers vegnir rinforzada sco lieus da sentupada e provediment. Ellas sustegan e promovon perquai da revitalisar ils centers en vitgs e citads. Ins vul era impedir cun quai cumpendi

la construcziun dischordinada e promover daplì ina concentraziun anen, vers il center.

Mussà vegn – a basa d'exempels pratics en pliras vischnancas – co ins po revitalisar ils centers en ils lieus. Ins ha for-

mulà tschintg criteris per avair success tar quella revitalisaziun e dà diesch recumandaziuns co agir. Las duas associaziuns rimnan vinavant tals exempels per pudair infurmar praticamain davart quai tema.